



IGNIS DEVORANS.

Das ist/

Das Gesichte des Prophe-
ten Amos / vom verzehrenden Feuer/
welchs doch vff seine fürbit bald wieder
gestillet worden ist.

Kürzlich erkläret vnd außgeleget/

Bei dem Begräbnis Frawen Ursu-
len / Clemen Franckens / Bürgers vnd Bes
ckers zu Meissen.

Welche Sontags REMINISCERE, im
1599. Jahre / zu Nachte / im Feuer ver-
dorben / sampt ihrem einigen
Töchterlein.

Durch

M. Gregorium Strigenicum / Pfar-
ren / Superintendencen / Thumpredigern vnd Assessorn
des Churf. S. Consistorij zu Meissen.



Leipzig/

In verlegung Bartholomæi Voigts / Buchh.

Anno M. DC. II.

IGNIS DEVORANS

Das ist

Das ist die Beschreibung
des Sinnes, dem ergründeten
Nichtes, dessen Inhalt die
Welt enthält.

Der dem Begriffe
des Sinnes, dem ergründeten
Nichtes, dessen Inhalt die
Welt enthält.

Die Geschichte des
1799. Jahres / die Geschichte / im
Jahre 1799. / im Jahre 1799.
Jahre / im Jahre 1799.

Die Geschichte des
1799. Jahres / die Geschichte / im
Jahre 1799. / im Jahre 1799.
Jahre / im Jahre 1799.



Die Geschichte des
1799. Jahres / die Geschichte / im
Jahre 1799. / im Jahre 1799.
Jahre / im Jahre 1799.

Das ist



Den Ersamen / Fürsichtigen /
 und Namhaften / Viermeistern /
 und andern / des Handwercks der Becken zu Weys-
 sen / meinen besonder guten freunden und Pfarrkindern

Gnade und Segen / von Gott dem Vater unsers Herrn
 Jesu Christi / sampt dem heiligen Geiste / zuuorn.

Wirrsame / Fürsichtige / und Name-
 hafte / besondere gute Freunde und
 Pfarrkinder. Unter andern hand-
 wercken / so mit dem Feuerwerck
 umbzugehen und zu thun / und dabey
 grosse gefahr und sorge auszustehen haben / ist ewer der
 Becken Handwerck nicht der geringsten eins / sintemal
 zu demselbigen nicht ein Kleines / sondern zimlich gros
 Feuer gehöret / wann der Backofen recht erhitzet wer-
 den soll. Daher hat auch die G. Schrift den brauch /
 wenn sie der Heuchler / und Abgöttischen Leute grosse
 andacht / und inbrünstige begirde / die sie zu ihrer falschen
 Lehre und Gottesdienst tragen / fürbilden und abmah-
 len wil / das sie dieselbige einem erhitzten Backofen
 pflegt zu vergleichen / wie im Propheten Hosea am 7.
 Capitel zu sehen ist.

Wo man aber teglichen mit Feuer umbzugehen
 hat / bedarffs desto mehr auffsehens / auff das nicht etwa
 vnuersehener weise ein vnrat sich begeben und zutrage /
 denn / wenn man das Feuer nicht wol verwaret / und

A ij

fleißig

Vorrede.

fleissig darauff achtung giebet / so kan bald aus einem
kleinen füncklein ein gross Feuer vñ Unglück erfolgen.

Dessen haben wir bey vns / für dreyen Jaren /
(wie ihr euch werdet wissen zu erinnern) ein schrecklich
Exempel gehabt / da in der Fasten / Sontags Remini-
scere, nach Witternacht vmb ein vhr / im 1599. Jare /
bey Clemen Francken / ewers mittels einem / welcher
dazumal gleich mit den Pretzeln zu thun hatte / vnuer-
sehener weise / da sich der Meister mit seinem Weibe zu
ruhe gelegt / vñ das Besinde in der Stuben an der arbeit
war / ein gros Feuer auffgieng vñ auskam / dadurch
ihm nicht allein Haus vñ Hoff sampt allem vorrat in
die Asche gelegt / sondern er auch selbs an seinem Leibe be-
schädiget ward / sein liebes Weib aber / so aus erschrecken
von der stete nicht kommen / im Feuer jemerlich ver-
darb / sein liebes vñ einiges Töchterlein / welches er der
Water aus solcher Stut / mit grosser gefahr zu erretten
vermeinte / also verfehret wurde / das es über etliche stun-
den / nach erlittenen vnßä glichen schmerzzen / seinen Geist
auffgab / vñ hernach mit der Mutter Körper / der einem
Beschrande viel ehlicher sahe / als einem Menschlichen
Leibe / in einem Sarge / in ein Grab / vffm Kirchhofe
bey vnser lieben Frauen (wiewol man dazumal wegen
des grossen Gewissers / auff den Gottesacker / aussershalb
der Stad / nit kommen kondte) gelegt ward / welches zu-
mal ein schrecklicher vñ betrübter anblick war / wie sich
die werden wissen zu erinnern / so solches mit iren Augen
gesehen haben.

Wann

Vorrede.

Wann ich dann dazumal umb eine Reichpredigt
 angelanget / vnd gebeten worden bin / als habe ich den
 Text ausm Propheten Almos am 7. Cap. vom fressens
 den Feuer / für mich genommen / denselben durch Gottes
 Gnade / kützlich erklaret vnd ausgelegt / vnd off gegen
 wertige Feuersbrunst vnd Leichen / so viel möglich /
 appliciret vnd gezogen. Vnd weil viel fromer guther
 tziger Leute hernach vnd bis daher bey mir vielfeltig
 darumb ansuchung gethan / das ich solche Reich vñ Bus
 predigt / in offenen Druck verfertigen wolte / so habe ich
 mich endlich dazu bewegen vnd vermügen lassen / vnd
 bey mir beschlossen / das ich sie vnter eines erbarn Hand
 wercks der Becken Namen / auch andern zukommen
 lassen wolte.

Wil demnach solche Predigt einem Erbarn Hand
 werck der Becken / hiemit / in Gottes Namen / dedi
 ciret vnd offeriret haben. Der Allmechtige Gott / vñ
 Vater im Himmel / der dazumal in seinem gerechten
 Zorn / an seine vnaussprechliche Güte vñ Barmhertzig
 keit gedacht / vnd dem Feuer ein ziel gesetzt / vnd ihm ge
 stewart hat / das es nicht weiter hat dürffen vmb sich fress
 sen noch greiffen / der wolle ihm auch ferner gantze
 Städte / mit Gnaden befohlen seyn lassen / vñ vns sempe
 lichen / vñ einen jeden insonderheit für allen vnfal / Lei
 bes vnd der Seelen / Gabs vnd Guts / behüten vnd bewa
 ren / von nun an bis in ewigkeit / Amen. Datum
 Weyssen / den 31. Julij im 1602. Jahre.

M. Gregorius Strigenitz.
 Pfarrer vnd Superintendentus.



CHRISTO SACRVM.
Leich vnd Buszpredigt / aus dem Pro-
pheten Amos 7. Cap. v. 4. 5. 6.

Textus.

Der HErr HErr zeigte mir im Gesichte/
vnd sihe / der HErr HErr rieß dem Feuer
er / damit zu straffen / das solte eine grosse tieffe
verzehren / vnd fraß schon ein theil dahin. Da
sprach ich / Ach HErr HErr / las abe / wer wil
Jacob wieder auffhelffen / denn er ist ja geringe.
Da gerewet den HErrn das auch / vnd der HErr
HErr sprach / Es soll auch nicht geschehen.

Auslegung.

Summa
vñ inhalt
dieses
Texts.

Geliebten im HErrn / In diesem Text/
welchen E. L. jekund haben hören verlesen/
beschreibet vnd erzehlet der Prophet Amos
ein wunderbares Gesichte / das ihn Gott der
HErr hat sehen lassen / vnd ihm darinnen fürgestellt / die
grosse straffe / die vber seine Zuhörer / vñ vñ danckbare
Pfarrkinder hat ergehen sollen / wie sie mit Feuer vnd er-
schrecklichen Brandschaden hetten sollen heimgesucht / vnd
vertilget werden / wo nicht der Prophet das beste dabey ges-
than / vnd sich derselbigen mit einem herzlichem Gebete zu
Gott angenommen / vnd dadurch die woluerdiente vnd ge-
drewete straffe / abgewendet hette.

Warumb
derselbige
jekund so
lesen wort
den sey.

Weil dann vnser E. Gott / am vergangenen Sontag
ge zu Nacht / eben das jenige was Amos zu seiner zeit im
Gesichte gesehen / vns mit vnsern leiblichen Augen in dieser
Stad

Leichpredigt.

Stad vnd Gemeine mit grossm schrecken auch hat sehen vnd erfahren lassen/da nach Mitternacht eine greuliche glut/ vnd Fenersbrunst auffgegangen / dadurch nicht allein ein gankes Haus/sampt allem vorrat in die acht gelegt / sondern auch zwei Personen / Mutter vnd Tochter dadurch jemmerlich verdorben / vnd vmb's Leben gebracht worden sind. Vnd wir jeko derselben Körper / so viel von denselben das Feuer vbrig gelassen / in diesem gegenwertigen Sarge für Augen sehen vnd ligen sehen/welches ein rechtes trauriges vnd schreckliches Spectackel / darüber billich einem jeden / der darvon höret / die Augen vbergehen / schweige denn wenn er dieselbigen sehen solte. So hab ich mir auch im Namen des HErrn fürgenommen E. L. solch Gesichte des Propheten Amos / daß sich auff vnser gegenwertige zeit / sehr artig / eigentlich vnd wol reimet / in dieser Leichpredigt / fürklich zu erkleren.

Damit aber die einfeltigen solches desto besser fassen vnd behalten mögen / So wollen wirs fein ordentlich vnd richtig abteilen / vnd miteinander anhoren :

1. Was es mit diesem Gesichte des Propheten ^{Propositiō} Amos / für gelegenheit gehabt / vnd was er gesehen habe.
2. Wie er sich dagegen erzeiget vnd verhalten habe.
3. Was er mit seiner Intercession vnd fürbitte bey Gott ausgerichtet vñ erhalten habe.

Unser lieber Gott gebe Gnade vnd seinen heiligen Geist dazu / daß wir solchs mit nutz vnd frucht handeln / anhören / behalten vnd seliglichen gebrauchen mögen / Amen.

I.

Vom ersten Punctlein.

So viel



Leichpredigt.

Circum-
stantia
primae
partis.

I.
Quis ostē-
derit Pro-
phetæ vi-
sionem
hanc.

Amos 3.
v. 7.

Warumb
er dessen
gedencke.

II.
Quid vi-
derit.
I.
Domini
vocationē.

GD viel das erste Punctlein anlangt / von dem Gesichte das der Prophet Amos zu seiner zeit gehabt / dasselbe beschreibet er gar ordentlich / vnd eigentlich / vnd zeigt sein nacheinander an / 1. Wer ihm solch Gesichte fürgestellet habe / nemlich / der HErr HErr / das ist / der ewige allmechtige Gott / der HErr Himmels vnd der Erden / vnd aller Creaturen / Dominator Dominus / der allen vernünfftigen / vñ vnvernünfftigen Creaturen zu gebieten hat / vñ dem alle Element zu gebot stehen müssen / als irem Schöpffer / der auch derselbigen mächtig ist / vnd dem sie willig vnd gerne auff den dienst warten. Der ewige vnd warhafftige Gott / der nichts thut / er offenbaret es zuuor seinen Dienern vnd Knechten / der hat ihm nun diß im Gesichte gezeigt / der hats ihn sehen lassen / sonst hette ers mit seinen Augen nicht sehen noch erkennen können / wie es gehen würde.

Hiermit wil er diß sein Gesichte absondern / von allen andern Gesichten die etwa den Menschen fürkommen sind / oder noch heutiges tages fürkommē mögen / vñ wil lehren / daß es nicht Menschengedichte / nicht ein Spiegelsechten / oder des Teuffels betrug gewesen / der offte den Menschen eine blawe dunst für die Augen machen kan / daß sich einer lest verdüncken / er sehe etwas / vnd ist doch nichts / denn nur ein spügnis. Daß ers auch nicht selbst erdacht / aus seinem eigenen Kopff / sondern Gott habe es ime sonderlich offenbaret / daß ers wissen / vnd andern dauon Predigen solte. Drumb soll mans auch für eine Göttliche Offenbarung vnd Gesichte achten vnd halten.

2. Darneben meldet er auch / was er denn gesehen habe / Nemlich zweyerley: 1. Daß der HErr HErr dem Feuer geruffen habe / als einem Knechte vnd Diener / daß es seinen befehl anhören vnd vernemen solte / was er ihm auff-

Reichpredigt.

aufferagen vnd befehlen würde. Vnd solchs zu dem ende/ daß er damit straffen wolte / daß es eine grosse tieffe (das ist) Land vnd Leute) verzere / vnd zu grund verderben solte.

2. Darnach habe er auch gesehen / wie das Feuer dem HErrn so gehorsam/ willig vnd bereit gewesen/seinen willen zu thun / vnd aufzurichten / vnd habe von stund an angefangen vmb sich zu fressen / Vnd es fras schon ein theil dahin/ siehet im Text / bezeuget also / daß ers gesehen habe / wie das Feuer auffgangen / vnd zu breitem blick vmb sich gefressen habe. Es hat der HErr demselben nie so bald ruffen können / es ist von stund an da gewesen vnd hat seinen willen erfüllet.

^{2.}
Ignis obe-
dientiam.

Diß ist nichts anders/als eine beschreibung einer grossen vnd schrecklichen Feuersbrunst / vnd ist nach Prophetischer art davon geredet. Was gehets aber vns an/ daß der Prophet Amos diß gesehen hat? Es ist zwar der Prophet dazumal eigentlich der Kinder Israel Prediger vnd Seelsorger gewesen / daß ihm aber der HErr diß im Gesichte gezeiget / vnd ihn dasselbe auff's Pappir bringen/ vnd biß auff gegenwertige zeit hat erhalten lassen / solchs ist nicht allein vmb seiner Psarrkinder willen geschehen/ sondern vns allen zu gut / wir sind heutiges tages der Propheten Kinder / vnd sie sind vnser Väter / denn wir sind erbawet auff den grund der Apostel vnd Propheten.

Tag vnd
gebrauch
dieses
stück's.

Ephes. 2.
v. 20.

Was wil er vns denn hiemit lehren vnd erinnern? Nichts anders L. Christen vnd J. denn diß / was wir für gedanken haben sollen/wann wir sehen oder hören/ daß etwa ein Feuer auffgehet vnd entstehet / das vmb sich frist/ vnd grossen schaden thue / Nämlich / daß wir nicht allein auff die causas secundas, sondern viel mehr auff die primam causam sehen sollen/ nicht auff die Personen/ durch

I.
Causa ef-
ficiens.
Wo Feuer
ers brunst
herrüre.

Welcher



Reichpredigt.

welcher verwahrlosung solchs etwan geschicht / sondern auff Gott / der solchs verhengt vnd geschehen lesset.

Gott Ist nicht one / vnser HErr Gott lest bisweilen selbst
strafft mit feuer vom Himmel fallen / wie zu Sodoma geschehen ist /
feuer auff vñ in den andern vmblygende Städte / die der HErr durchs
zweierley feuer vmbgekehret hat / da des Hohenpriesters Aarons
weise. söhne sich am HErrn versündigten mit ihrem opfern / fuhe
1. dz feuer aus vom HErrn vñ verdebet sie Leuit. 10. vñ die
One mit auffrührische Kotte ward auch durchs feuer vmbgebracht
tel. 205. Mann / Num. 11.
Gen. 19. v.

24. 25. Bisweilen strafft er auch durch mittel / daß er durch bö-
Leuit 10. se buben / durch die Feinde in eine Stadt feuer werffen vnd
v. 1. 2. alle heuser verbrennen lesset. Simson sengete vnd brandte
Num. 11. v. den Philistern das Getreide vffm Felde weg / vnd verderbe-
2. te die Weinberge vnd ölberge / vnd die Philister zündten das
Durch Haus an / darinnen seine bulschafft war / vñ verbrandten sie
mittel. lebendig drinnen mit ihren Vater. Vnd von Absolon lesen
Simson. wir / daß er den Feldhauptman Joab / seine Gerste auffm fel-
Iud. 15. v. 5. de auch hab lassen abbrennen. Vffmals geschichts noch heu-
v. 6. tiges tages / daß aus verwarlosung / oder vnachtsamkeit ein
Absolon. gros feuer an vnd auffgehet / bisweilen erleubet er auch den
2. Sam. 14. Teufel vñ seinen werckzeugē / dz sie ein gros feuer anrichtē.
v. 30.

Aber wir sollen vnd müßens nicht allein den mittel-
personen schuld geben / sondern sollen wissen / es rüre
fürnemlich vom HErrn her / der mus solchs geschehen
lassen vnd seinen consens dazu geben / sonst were es
vnmöglich / daß vns böse Leute oder der Teuffel einigen
schaden solte oder köndte zufügen / er schicket sein Heer
aus / lesset die mörder vmbbringen / vnd ihre Stadt anzün-
den / Matth. 22.

Mat. 22.
v. 7.

Ein Christ soll vnd mus anders darvon vrtheilen / als
sonst ein Weltkind / da das feuer vom Himmel fiel / vnd
ver

Reichpredigt.

verbrandet dem heiligen Job all sein Bihe/ ob er wol wuste/
 daß der leidige Satan aus Gottes erlaubnis ihm solchen
 schaden zugesüget/ noch wolte er demselben die Ehre nit an
 thun / daß ers ihm hette sollen zumessen vnd sagen/ das ^{Hiob. 2.}
^{v. 21.} hat mir der Teuffel gethan/ den schaden hat er mir zugesü-
 get/ sondern schreibe es dem HErrn zu / Dominus dedit,
 Dominus abstulit, sagt er / spricht nicht / das feuer hat
 mirs genommen/sondern/ der HErr hats genommen.

Eben dis leret vns auch alhie der Prophet Amos / da
 er sagt/ Er habe gesehen/ das der HErr dem
 feuer geruffen habe/ damit zu straffen/ das solte
 eine grosse tieffe verzehren / vnd es habe auch
 schon ein teil dahin gefressen.

Darneben wil er vns hie auch leren vnd erinnern / de
 causa finali, von der endlichen vrsachen/ warumb er solchs ^{II.}
 zu thun pflege/ daß er bisweilen dem Feuer ruffe/ vnd daß ^{Causa fi-}
 selbige weidlich vmb sich fressen/ ganze heuser/ offte auch wol ^{nalis.}
 ganze Städte vnd Dörffer verzehren lasse. ^{Warumb}
^{Gott dem}
^{Feuer}

Es geschicht vmb der Menschen vnd Einwohner sünde
 willen / vnd ist eine woluerdiente straffe. Hie steht / der ^{ruffe.}
 HErr HErr rieff dem Feuer damit zu straffen/ diß wört ^{Feuers}
 sein zeigt vnd deutet auff die Sünde / damit diese straffe ^{not eine}
 verwirckt vñ verdienet wird/ die Heuser vñ wonungen/ stein ^{straffe der}
 vnd holz / können die straffe nicht verschulden/ es sind ^{Sünden.}
 solche geschöpff / die kein Leben haben/ sich weder regen
 noch bewegen / aber die / so darinnen wonen/ die machens ^{Deus ignis}
 vnd verursachens mit ihrem sündlichen Leben / daß Gott ^{confu-}
 mus seinen Grim ausschütten. ^{mens.}
^{Deut. 4.}
^{v. 24.}

Gott ist ein eyferiger Gott / vnd ein verzehrend feuer
 Deut. 4. vnd ist der Sünden feind/ Drumb da er sein Ges ^{Warumb}
 ses hat wollen offenbaren auffm Berge Sinai / ist er im ^{sich Gott}
 feuer erschienen vñ hat seine schreckliche stimme aus dem ^{in feuer}
 selben ^{offenbaree}
 Exodi. 19.

W ij

selben

ern
 lbst
 ist/
 chs
 ons
 uhe
 die
 che
 bö
 vnd
 nde
 rbe
 das
 n sie
 esen
 felz
 heuz
 t ein
 den
 hte.
 ttelz
 rüre
 hen
 e es
 igen
 Deer
 jünz
 als
 vnd
 verz



Reichpredigt.

selben hören lassen/ zum zeugnis / daß er alle oberreter seiner H. gebot / mit Feuer heimsuchen / vnd nicht allein hie in dieser Welt/ mit allerley brandschaden straffen/ sondern noch dort ins ewige Hellische Feuer verstoßen wolle.

Wenn der HErr die Einwohner des Landes straffen wil/ ist's ihme nicht mehr denn nur vmb ein wort zu thun/so muß Feuer aufffahren / vnd alles verbrennen. Der kan dem Feuer gar bald ruffen/damit zu straffen/hat viel grössern gehorsam/ als der Hauptman zu Capernaum / der seiner Diener vnd Knechte gehorsam groß rühmete. Ich bin ein Mensch/dazu der Oberkeit vnterthan/vnd habe vnter mir Kriegsknechte / noch wenn ich sage zu einem / gehe hin/ so gehet er/ vnd zum andern kom her/so kompt er/vñ zu meinem Knecht/ thu das/so thut ers. Unser HErr Gott hat viel grössern gehorsam bey den Elementen / wenn der spricht zum Wasser komme her/ so muß eine solche Flut kommen/daß eine Stadt im Wasser stehet / oder zum Feuer: fahr hin/ vnd brenne die Stadt hinweg / alß bald geschicht Psal. I 44. Das Feuer ist eine Creatur Gottes/ im gehorsam/ vnd ist zur Rache geschaffen/ Syr. 40. Wenns niemand sorge hat / kan er alß bald ein Feuer auffgehen lassen / daß eine ganze Stadt vnd ganze Nächstbarschafft erschrickt/ vnd in grossen furchten vnd gefahr stehet. Die Sünde ist das rechte Zündpulver / welches alle brandschedige Feuer anzündet vnd auffbleset.

Lucæ 7.
v. 8.
Marth. 8.
v. 9.

Psal. 144.
v. 5. 6.
Sir. 49.
v. 35.

Genes. 6.
v. 3.

Wenn sich die Leute den Geist Gottes nicht mehr wollen straffen lassen/so muß er mit allen Elementen straffen / mit Wasser / vnd mit Feuer. Ich meyne wir haben solchs diese tage ober erfahren / vnd sehens noch für Augen/ daß fast die halbe Stadt im Wasser stehet / vnd darzu das Feuer sich auch erregt hat. Vnter den straffen/ damie
Gott

Leichpredigt.

Gott die Sünde pfleget heimzusuchen / sind das die für-
nemsten / Wassers noht / vnd Jewers noht.

Mit Wasser hat vns Gott offte hiemgesucht / weils a-
ber numehr gemein ding / offte geschehen / so achtens ihr viel
nicht allzu gros. Drumb muß vnser HErr Gote die ander
straffe auch hersür suchen / vnd vns zeigen vnd weisen / was
wir verdienet vnd wol werth weren / vnd wie leicht er vns
ganz vnd gar verderben könnte.

Derwegen sollen wir solche Jewersbrunst / die wir die-
se tag gehabt / lernen ansehen / als eine sichtige Buspredigt /
vnd Realem concionem poenitentia, dadurch vns Gott
zur Busse locken / vnd auffmuntern wil / daß wir vnser
Sünde erkennen sollen / vnd vns dieselbigen lassen trewlich
leid seyn / vnd bey zeit vnser bestes bedencken. Vnd sol ein
jeder wissen:

Wie wir
vnser
Jewers
brunst
sollen ans
sehen.

Quod sua res agitur, paries cum proximo ardet.

Wie der Heidnische Poet saget: Es gilt einem jeden / wenn
des Nachbars Haus brennet.

Es sol vnd darff ihm aber keiner diese gedanken ma-
chen / weil diß grosse Unglück nicht mehr als nur einen ei-
nigen Bürger betroffen hat / der da vmb Haus vnd Hoff
vnd alles kommen ist / vnd Weib vnd Kind drüber verloren
hat / als were er der größte Sünder in dieser Stadt vnd Ge-
meine / vnd die Personen / welche vnser lieber Gott hat las-
sen also vmbkommen / weren die ergsten gewesen. Nein
traun / sondern ein jeder sol in sich schlagen / vnd auff sich
sehen.

Der HErr Jesus lehret vns fein / wie wir vns drein
schicken sollen / wann wir dergleichen zeitung hören vnd er-
faren. Da zur zeit etliche zu ihm kamen vnd ihm verkün-
digten / wie Pilatus die auffrührischen Galileer alle hette
erstickten / vnd ihr Blut mit dem Opffer vermischen lassen /

Luca 13.
v. 1. 2. 3.
4. 5.

B ij fng

Reichpredigt.

Ang der Herr an/ vnd sagte zu ihnen: Meynt ihr/ das diese Galileer für allen Galileern Sünder gewesen seynd / dieweil sie das erlitten haben? Ich sage Nein/ sondern so ihr euch nicht bessert/ werdet ihr alle auch also vmbkommen. Oder meynt ihr/ das die achtzeben / auff welche der Thurm in Siloha fiel/ vnd erschlug sie/ seyn schuldig gewesen/ für allen Menschen die zu Jerusalem wonen? Ich sage Nein / sondern so ihr euch nicht bessert / werdet ihr alle auch also vmbkommen.

Eben so können vnd sollen wir auch sagen vnd urteilen/ von diesem vnfall: Meynt ihr L. Christen vnd J. vnser lieber Mitbruder dem solchs begegnet / daß er durch diese Blut vnd Fenersnoht / vmb Haus vnd Hoff / vmb allen seinen verrat / vmb Weib vnd Kind / vnd vmb seine gesundheit dazu kommen ist/ meynt ihr er sey allein der größte Sünder gewesen? Ich sage Nein (spricht Jesus) wenn ihr nicht Busse thut / so werdet ihr alle also vmbkommen/ Oder meynt ihr/ daß das arme Kindlein welches in solcher Blut so verbrand / daß es mit grossen schmerzen seinen Geist hat müssen auffgeben/ vnd die arme Fraw/ die in dieser Brunst hat müssen verderben / allein die größten Sünder gewesen sind / die solchs vmb Gott verdienen? Ich sage Nein/ so ihr euch nicht bessert / werdet ihr alle also vmbkommen.

Rom. 12.
v. 15.

Wir sollen billich mit frembden Schaden klug werden/ ein herzliches mitleiden haben / vnd mit den weinenden weinen/ erkennen/ wie grimmig Gottes Zorn/ wie bald es vmb einen Menschen geschehen ist. Des Sontags auffn Abend ist vnser Mitbruder noch ein wolhabender Bürger gewesen / der seine Narung vnd einen zimlichen Vorrat/ auch Weib vnd Kind gehabt / heute ist er ein armer Bettler/

Reichpredigt.

ler / betrübter vnd elender Witwer / der weder Haus noch Hoff / weder Weib noch Kind mehr hat. Ach / wie gar bald ist es geschehen / daß einer zu einem armen Mann vnd Bettler werden kan.

Was sollen vnd wollen wir aber sagen / von diesen beyden Leichen / die hie beysammen im Sarge ligen / von Mutter vnd Tochter? Sollen wir dieselbigen verdammen / weil sie im Feuer vnd durchs Feuer ombkommen sind? Ey das sey ferne / es ist nichts verdamliches an denen / die da sind in Christo Jesu / vnd kan dieselbe weder der Todt / noch die art des Todes scheiden von der Liebe Gottes die da ist in Christo Jesu / Rom. 8. v. 1. Rom. 8. v. 39.

Des sind viel heiliger Mercker mit Feuer verbrand / vnd im rauch gen Himmel geschickt worden. Solte ihnen drum das schendlich seyn an ihrer Seelen seligkeit? Das wird kein Christen Mensch sagen dürffen / vnd damit keiner in solche gedancken geraten dürffte / so hat er nach seinem sonderlichen vnd wunderbaren Raht im alten Testament / den grossen Propheten Eliam / auff einem fewrigen Wagen gen Himmel holen lassen. Am jüngsten Tage wenn die Himmel zergehen werden mit grossen krachen / vnd die Element für hize schmelzen / vnd die Erde / vnd die Wercke die drinnen sind / verbrennen werden / 2. Petri 3. Da werden die gleubigen / welche der jüngste Tag lebendig ergreiffen wird / auch mitten im Feuer stehen / aber solches wird ihnen nicht schaden / weder an ihrem Leibe vnd Leben / noch an ihrer seligkeit. Vnd ob schon diese beyde Leichen / Mutter vnd Tochter / leiblicher weise im Feuer haben verderben müssen / so wird doch der HErr Jesus an jenem Tage / ihren Leichnam aus der Asche / vnd aus der Erden widerumb aufferwecken / zum andern ewigen Leben.

Daß

S
n
ge
or
/
ts
/
h
rs

ie
no
ch
ab
ne
dr
s)
so
in
en
ne
die
er-
he

n/
en
es
fn
er
at/
ter



Reichpredigt.

Warumb
sie Gott
für andern
vergestalt
hat lassen
vmbkom-
men.

Das sie aber eben vor andern haben müssen herhalten/
ist darumb geschehen/vnser lieber Gott hat sie andern zum
Exempel vnd Beyspiel wollen fürstellen/das sie sich darinn
spiegeln vnd nicht sicher seyn sollen/weis niemand was
ihm begegnen vnd widersaren möchte. Sie hettens auffn
Abend nit gedacht/das so gehen sollte. Accidit in puncto,
quod non speratur in anno. Ach in einem nuh/gar bald
geschichte/des man sich in ein Jahr nicht versicht.

1. Petri 4.
v. 17.
Lucz 23.
v. 31.

Sollen bedencken was S. Petrus sagt: 1. Cap. 4.
Das Gerichte fehet gemeiniglich am Hause des HErrn
an / vnd die rechnung machen / Geschicht das am grünen
Holze / was wil am durren werden? Gehets frommen
Gottfürchtigen Leuten also / die sich fleissig zur Kirchen
halten / was wirds einmal für ein ende vnd außgang ge-
winnen mit Gottlosen Leuten / die in allen sünden vnd
schanden leben / vnd in grewlicher vnbusfertigkeit. Des
sind viel ruchloser frecher Leute vnter vns.

Sünden
so gar ges-
mein sind.

Man findet viel Abgöttische Leute/die noch in allerley
Aberglauben stecken / viel Gotteslesterer / die bey seinem als
ler heiligsten Namen fluchen vnd schweren / alle Predigten/
sein Wort vnd Sacrament verachten / die in Neid / Haß
vnd Widerwillen leben / in Vnzucht vnd Hurerey. Des
ist des Hurenoocks sehr viel vnter vnd bey vns. Wil der
Ehebrecher geschweigen / die ihre Ehe halten wie der Hund
die Fasten / viel wucherer / viel verleumbder / wer dem an-
dern kan beykommen der thuts / die da straffen sollen / sehen
durch die Finger / vnd wil fast so zugehen / wie Psal. 50.
steht: Wenn du einen Dieb sibest / so leuffestu mit
ihm / vnd hast gemeinschafft mit den Ehe-
brechern / dein Maul leffestu böses reden / vnd dei-
ne Zunge treibet falschheit. Du sitzest vnd redest
wider deinen Bruder / deiner Mutter Sohn ver-
leum-

Psal. 50.
v. 18. 19. 20.



Reichpredigt.

Leumtestu. Solle denn vnser Herr Gott nicht straffen?

Ist doch des Sontags vnter der früe vnd mittags-
predigt ein solch Gefahre vnd Reiten/ein soch rumpeln für
der Kirchen vorüber / daß sünde vnd schande ist zu sagen.
Lieber leset doch das 17. Cap. im Propheten Jeremia/ da
werdet ihr finden / daß Gott drewet / wollen sie am Sab-
bat ihre Thor nicht zuhalten / vnd denselben nicht heiligen
so wolle er ein Feuer anzünden in der Stadt/das niemand
leschen sol können. Ich meine er hats vns gezeiget vnd ges-
wiesen / innerhalb eines viertel Jahrs / daß wir zweymal
brandschaden in dieser Stadt gehabt / vnd allewege am
Sontage. Meynt ihr es sey ohne vrsach geschehen / ohne
gefahr? Traun nein/er wil vns damit lehren vnd erinnern/
daß Feuersbrunst auch eine straffe der entheiligung des
Sabbats sey. Die Feuersbrunst zu Sodoma bezeugt/
daß Feuer auch eine Straff vnzüchtiger Lust sey. Solche
vnd andere Sünden sollen wir erkennen lernen / beweinen
vnd dieselbige Gott abbitten. Sollen wissen / wir habens
wol verdienet/ vñ er hette gute vrsach / vns alle der gestalt
zu straffen. Drumb vergesset des Sontags Reminiscere
nicht/ an welchem Gott diß schreckliche Feuer hat lassen
auffgehen / damit wir dessen stets ingedenck seyn vnd blei-
ben möchten.

Werden die leiblichen straffen nicht helfen / werden
wir vns daran nicht keren/so kan er bald frembde Geste ins
Land schicken/die Feuer in vnser Heuser werffen vnd alles
verbrennen. Wird solchs auch nicht helfen/so ist noch das
Hellische Feuer dahinden / welches nicht verleschen wird/
vnd darinnen alle Gottlosen sollen gekreischet werden in
Ewigkeit/ wie Esaias sagt am 66. Der Gottlosen Feuer
wird nicht verleschen / vnd Judith. 16. Er wird ihren
Leib plagen mit Feuer vnd Würmen / vnd werden bren-

E
nen

S. weres
brünste
eine strafs
f. prophe-
nations
Sabbati.
Jerem. 17.
v. 27.

Genes. 19.

Esaiæ 66.
v. 24.

Judith 16.

v. 21.

Leichpredigt.

Syr. 7.
v. 19.

nen vnd heulen in Ewigkeit / denn Feuer vnd Werme ist die rache vber die Gottlosen Syr. 7.

Diß sollen wir vns also beym ersten Punctlein erinnern / da der Prophet Amos alhie anzeigt / was es mit diesen Gesichte für gelegenheit gehabt / vnd was er gesehen habe / Nemlich / daß der HErr dem Feuer geruffen / damit zu straffen / daß es eine grosse tieffe verzehren sollte vnd daß dasselbige schon ein teil dahin gefressen hat.

II.

Vom andern Punctlein.

Wie hat sich aber der Prophet Amos dagegen erzeiget vnd verhalten / da er gesehen hat / daß das Feuer auffgangen / vñ vmb sich gefressen hat / hat er drüber gefroloeket vnd gesagt / He / das ist recht / so sol vnd muß man die losen Füchse außbrennen vnd außsengen. Das las immer hin brennen sie habens wol verdienet oder wie jener wüschete / daß die ganze Welt verbrennen möchte / Ey nein / so hat der Prophet nicht gehandelt. Obs wol seine Pfarrkinder vmb ihn nicht verdienet / vnd seiner Predigt nicht folgen wollen / hat er sie doch d'ssen mit entgelten lassen / sondern ein herzkliches mitleiden gehabt / vnd hat helfen leschen / vnd das Feuer Dempffen / womit er nur gekont / daß es nicht weiter hat können kommen.

Amos
hilft les
schen.

Womit
er das
Feuer
proch
habe.

Er hat das angehende Feuer versprochen / womit denn ? Nicht mit Abgöttischen vnd Zäuberischen Worten / sondern mit einem kurzen vnd andechtigen Gebete / vnd also gesprochen : Ach HErr HErr / las abe / wer wil Jacob wieder auffhelffen ? Denn er ist ja geringe.

1.
Quem
uocat

Das Gebet ist kurz aber sehr gut / dencke ihm nur ein wenig nach. Wen spricht er an / nicht die verstorbenen heiligen /

Reichpredigt.

ligen/ nicht den Propheten Eliam / der sewer hae lassen
von Himmel fallen / vnd die gesanden des Königes Aha-
sia / verbrent hatte / der in einem sewerigen Wagen war gen
Himmel gefahren / sondern den HErrn HErrn / den wah-
ren Lebendigen Gott.

Elias.
2. Reg. 1. v.
10. 12.
2. Reg. 2.
v. 11.

Was bittet vnd begeret er von denselben? nichts mehr/
er soll ablassen / soll den sewer stewern vnd wehren / vnd
nicht alles in die asche legen.

2.
Quid petit

Was zeucht er für vrsachen an? zweyerley. 1. Das son-
sten den armen Jacobiten / das ist / den rechtgleubigen / die
des Glaubens sind / des Jacob der Patriarch gewesen / könn-
ne auffhelffen. 2. Weil das heufflein der Gottseligen sehr
gering vnd klein one das ist / gegen dem grossen hauffen der
Gottlosen zu rechnen.

3.
Quibus de
caus.

Hiermit wil vns der Prophet leren vnd erinnern / wie
wir vns gegen unsere Mitbrüder erzeigen vñ verhalten sol-
len / wenn vnser lieber Gott straffet / vnd etwa ein sewer in
der Stadt auffgehen lesset / wir solten nit drüber frolocken /
vñ ime solchs gönnen / in die faust lachen / oder nur da stehen
vnd zusehen / vnd es immer brennen lassen / sondern es soll
einer den andern aus nachbarschaft vnd Christlicher liebe
trewlich zu springen / vnd sehen wie er möchte dempffen vnd
leschen helffen / das erfodert die Christliche liebe / was wir
wollen / das andere Leute gegen vns thun sollen / das sollen
wir gegen ihnen auch thun.

Ob serua-
tio.
In Sew-
ersnöhten
sol einer
dem andern
mit hülffe
zuspringe.

Darneben wil er vns auch hierinzen leren / wie mans
recht angreifen vnd was man für mittel dazu gebrauchen
soll / Nemlich / die so von Gott verordnet sind / daß man
herzlich bete vnd seuffte / nicht die verstorbenen Heiligen /
S. Florian oder andere wie man in Bapstthumb gethan
anruffe / daß sie das sewer leschen vnd vns für brandscha-
den behüten sollen / sondern den HErrn HErrn / das ist /
vnser HErr Gott vnd Vater im Himmel / durch den

II.
Was für
mittel
man brau-
chen solle.
1. Geists-
lich.

E ij HErrn/

Reichpredigt.

Herrn/das ist/durch Christum seinen allerliebsten vñ ein-
geborenen Sohn / denn der ist / wie vor gehört / der mit
Fewer straffen kan.

Vom
Zauberis-
chen
Fewer zu
sprechen.

Die Welt hat vnd sucht ander mittel / vnterschet sich
durch Zäuberische vnd Abgöttische wörter / das Fewer zu
versprechen / das es nicht weiter kommen soll / das ist ein
grewlicher mißbrauch Göttliches Worts vnd Namens/
vnd ist schande das solche Zäuberer von Christenleuten sol
erfahren werden. Wie ich denn höre / das in der nechsten
Feweroglut/vnd auch in der vorigen/Leute sollen erfunden
worden seyn / die da zettel gebracht / vnd begert man solte
sie ins Fewer werffen/so würde es nicht weiter kommen/hab-
ben sonderliche Segen wider das Fewer sprechen / vñnd
dasselbe versprechen wollen. Es thue solchs L. Christen
vnd J. wer da wolle / so ist ein mißbrauch Göttliches Nas-
mens / vnd ist Gottes Wort dazu nicht gegeben. Vnd ob
schon Gott bisweilen dem Teuffel etwas verhengt / ist
doch drum nicht recht. Ja man erzürnet Gott desto
mehr damit.

Wer das Fewer recht versprechen wil / der muß aus
Christlichem gläubigen vñnd andechtigen Herzen also zu
Gott sprechen/wie hie der Prophet Amos gesprochen hat/
das ist/er muß bitten/Gott wolle Gnedig seyn/seinen Grim
vnd Zorn abwenden / seiner armen Jacobiten vñnd Chris-
tenheit / die ohne das sonst wol geplagt / verschonen/
vnd dem Fewer stewart vnd wehren/ denn es kan sonst nie-
mand helfen.

2. Leiblich-
er
brauch.

Wenn das Fewer Göttliches Zorns nicht zuvor auß-
geleschet ist / durch ein inbrünstiges Gebet / seuffzen vñnd
threnen zu Gott / so hilfft das eusserliche vnd leibliche les-
chen nichts oder wenig. Wenn man aber Gott vmb
hülffe vnd errettung angeruffen hat / als denn ist auch von
nöhten/

Reichpredigt.

nöhten/das man ordentliche mittel/ Wasser zu trage / Leis-
tern vnd Feuerhacken / vnd andere Instrument / die dazu
dienstlich/vnd das man getrost ins Feuer hinein giesse/vnd
ein jeder zugreiffe vnd leschen helffe/ nach vermügen.

Das sey auch vom andern Punctlein gesage / was
der Prophet Amos dabey gethan / da er gesehen / das ein
solch gros Feuer ist auffgangen / das vmb sich gefressen.
Er hat dasselbe mit einem andechtigen Gebet vnd seuffher-
lein versprochen/vnd Gott gebeten / er wolle ablassen/ vnd
nicht alles verderben / denn es könne sonst niemand helf-
fen / weil die Christenheit ohne das ein geringes vnd kleines
heufflein war.

III.

Vom dritten Punctlein.

Um Beschlus höret auch vnd last euch
berichten / was der Prophet Amos mit solchem
seinem versprechen/vnd mit seiner fürbitte außge-
richtet habe. Hats auch etwas geholffen? Ja traun/ denn
so stehet im Text: Da gerewet den **HERRN** das auch
vnd der **HERR HERR** sprach / es sol auch nicht
geschehen. Da stehet der Effectus vnd die Krafft vnd
Wirkung / solch sein seuffzen ist nicht ombsonst gewesen.
Weil der **HERR** gesehen/das diese Fürbit aus einen rechts-
gleubigen Herzen herkommen ist / so hat er ihm dieselbe
auch lassen so wolgefallen/das er das Feuer zu rück gehal-
ten/vnd es nicht alles hat wollen verderben lassen.

Diz stücke lehret vnd erinnere vns / das Gott nicht
allein ein Gerechter vnd Eysriger Gott sey/sondern auch
ein Barmherziger Vater/der gencigt ist/ vnser zu schonen
vnd seine straffe abzuwenden. Wann wir nur vnser sünde

Was vns
diz stück
erinnere.

ins
mit
sich
zu
ein
ns/
sol
sten
den
olte
has
nd
sten
das
ob
ists
sto
aus
zu
at/
rim
ris
en/
ies
uß
nd
les
mb
on
en/

Reichpredigt.

erkennen / vnd von Herken betrewen / vnd vmb verzeihung bitten / so wil er sich auch des vbelß gerewen lassen / Daß er vber vns beschloffen hat / vnd das sonst vber vns hette ergehen sollen.

Ich mein L. Christen vnd J. wir haben solchs augenscheinlich gesehen vñ erfahren in gegenwertiger Fenersnot. D ee hatte ein weites außsehen vnd war ein schrecklicher Hornspiegel / wenn vnser lieber Gott nicht hette dem Fener ein ziel gesehet / solt wol die halbe / wo nicht die ganze Stadt im Fener verdorben seyn. Wo ist aber her kömnen / daß es bey diesem einigen Hause geblieben ist / vnd das die andern alle sind errettet worden?

Gott hat mitten im Zorn an seine Barmherzigkeit gedacht / vnd weil fromme Christen / mit ihren kleinen Kinderlein zu denselbigen von Herken geseuffhet vnd geschrien / so hat vnser Gott dem Fener ein Ziel geseckt / das hat es nicht können noch sollen vbergehen. Es hat ihn gerewet / daß so viel vnschuldiger kleiner Kinderlein solten mit in Jammer vnd Noht kommen. Darumb hat er solch ihr Gebet erhöret vnd gesagt: Es soll nunmehr auch nicht geschehen / daß andere Heuser neben dem / in die Asche gelegt werden sollen / vnd daß ander Leute in gefahr Leibes vnd Lebens kommen sollen / es sol bey dem bleiben. Ach L. Christen vnd J. Nisi Dominus reliquisset nob' s semen, wenn vns der HErr Zebaoth nicht ein wenig ließe vberbleiben / so wesen wir längst wie Sodoma vnd Gomorra / vnd es legen sekund alle vnser Heuser in der Aschen. Daß aber solchs nicht geschehen / haben wir seiner grundlosen Barmherzigkeit zu danken / vnd den inbrünstigen seuffhern der vnschuldigen Christlichen Herken / die haben das beste dabey thun helffen.

Genug auff diß mal / von diesen Prophetischen Gesichte /

Esai 1.
v. 9.

Leichpredigt.

sichte/ was ist die Predigt gewesen? Ihr habe gehört: 1. Was es mit dem Gesichte für eine gelegenheit habe / der HErr HErr hat es dem Propheten gezeigt/ vñ er hats gesehen/das der HErr HErr dem Feuer geruffen/damit zu straffen/das solte eine grosse tieffe verzehren/ vnd hat schon ein theil dahin gefressen. 2. Wie sich der Prophet dagegen erzeigt vnd verhalten hat. Er hat das Feuer versprochen/ mit einem gleubigen vnd andechtigem Gebet: Ach HErr HErr/ las abe/ wer wil Jacob wieder auffhelffen / denn er ist ja geringe? 3. Was er mit solcher seiner Fürdit erlange vnd außgerichtet habe / Nemlich so viel / das das Feuer ist außgelescht vnd gedempfft worden / vnd hat nicht weiter dürffen omb sich fressen. Denn es hat den HErrn gerewet vnd hat gesprochen/ Es sol auch nicht geschehen.

Unser lieber Gott vnd Vater im Himmel tröste den armen elenden vnd betrübten Haußvater/ vnd erhalte ihn/ vnd erfreue ihn wieder wie den gedültigen Job/ verleihe im auch gedult / das er solch gros Creuz ertragen könne / vnd lasse sein Antlitz auch ferner vber vns walten/vnd wende alles unglück vnd alle gefahr von vns abe/ auff das wir auch ihm zu Ehren vnd Dancksagung mit dem Königlichen Propheten David außm 66. Psalm sagen mögen. Wir sind in Feuer vnd Wasser kommen/aber du HErr HErr hast vns ausgeführet vnd erquicket.

Darauff wollen wir abermals nieder knien/ vnd von Herzen vnd mit andacht sprechen ein gleiches Vater vnser.

Gedruckt zu Leipzig/ durch Franz
Schnelbolzens Erben.

Typis hæredum Beyeri.

Anno M. DC. II.

ung
er
er
gen-
not-
cher
ew
an
ien/
s die
keit
Rins
ien/
at es
oet/
ie in
Ges
ches
ver-
Les
sten
vns
wes
gen
lchs
her-
vns
abey
Ges
hte/





Faint, illegible text, likely bleed-through from the reverse side of the page.

Faint, illegible text at the bottom of the page.

Faint, illegible text at the very bottom of the page.







153507

AB: 153507


ULB Halle
002 814 803 3




80

VD 17







449

IGNIS DEVORANS.

Das ist/

Das Gesicht des Prophe-
ten Amos / vom verzehrenden Feuer/
welchs doch vff seine fürbit bald wieder
gestillet worden ist.

Kürzlich erkläret vnd außgeleget/

Bei dem Begräbnis Frawen Ursu-
len / Klemen Franckens / Bürgers vnd Bes-
ckers zu Meissen.

Welche Sontags REMINISCERE, im
1599. Jahre / zu Nacht / im Feuer ver-
dorben / sampt ihrem einigen
Töchterlein.

Durch

M. Gregorium Strigenicum / Pfar-
rern / Superintendenten / Thumpredigern vnd Assessorn
des Churf. S. Consistorij zu Meissen.



Leipzig/

In verlegung Bartholomaei Voigts / Buchh.

Anno M. DC. II.

17

